

## AKT THEMELIMI I SHOQËRISË Grand Group SHPK

Sot, më datë 29 dhjetor 2021, në Tiranë, ortaku i vetëm, Z. **Ervin Uruçi**, shtetas shqiptar, lindur më 21.09.1982, në Maminas, Shqipëri, mbajtës i letërnjoftimit me numër personal I20921008W (më poshtë referuar si "**Ortaku i Vetëm**"), vendosi me anë të këtij Akt Themelimi për krijimin dhe themelimin e shoqërisë tregtare me përgjegjësi të kufizuar **Grand Group**.

### I. THEMELIMI

Ortaku i Vetëm deklaron themelimin e Shoqërisë **Grand Group**, një shoqëri shqiptare me përgjegjësi të kufizuar ("**Shoqëria**"), e cila themelohet në përputhje me ligjin e aplikueshëm tregtar në Republikën e Shqipërisë.

Selia e Shoqërisë është në adresën: *Rruga e Kavajës, Nd.98, H.31, Ap.5, Tiranë, Shqipëri..*

Shoqëria është themeluar për një kohëzgjatje të pakufizuar.

### II. OBJEKTI

Objekti i Shoqërisë do të përfshijë aktivitetet e mëposhtme:

- Trajnime për ndërtimin e markës, shitjeve, aleancat strategjike në biznes si edhe marketing profesional;
- Konsulencë për hartimin e fushatave reklamuese ku përfshihen: hartimi i tekstit të reklamës, dizenjime grafike, realizime grafike, promovim online, artikuj promociional, matja e rezultateve të fushatës (ROI), sondazhe, testim tregu, reklamim telefonik, etj;
- Marrëdhëniet me publikun dhe shërbimet në lidhje me promovimin e shitjeve;
- Si edhe çdo aktivitet tjetër i cili realizon të ardhura dhe nuk bie në kundërshtim me ligjet Shqiptare në fuqi.

Në përputhje me legjislacionin shqiptar për përmbushjen e objektit të lartpërmendur, Shoqëria mund:

- (i) të aplikojë dhe të pajiset me një ose të gjitha licencat dhe autorizimet e nevojshme, të kryejë çdo transaksion me pasuri të luajtshme dhe të paluajtshme (përfshirë por pa u kufizuar në blerjen, shitjen, e marrjen dhe dhënien me qira të sendeve të luajtshme dhe të paluajtshme) si edhe aktivitete tregtare, financiare, qira apo hipotekore të cilat mund të konsiderohen të dobishme apo të nevojshme për përmbushjen e objektit të Shoqërisë dhe që nuk tejkalojnë në masë aktivitetet kryesore, të cituara me sipër;
- (ii) të blejë, në mënyrë të drejtpërdrejtë apo të tërthortë, interesa në shoqëri të tjera që kanë objekt (objekti i aktiviteti) të ngjashëm me atë të Shoqërisë, në Shqipëri apo jashtë saj;
- (iii) të kryejë aktivitete publikimi, marketingu e reklamimi;
- (iv) të kryejë aktivitete import - eksporti të mallrave dhe/apo shërbimeve siç do të konsiderohet e nevojshme;
- (v) të kryejë aktivitete për shitjen me pakicë apo shumicë të mallrave, pajisjeve siç do të konsiderohet e



përshtatshme;

- (vi) të kryejë çdo aktivitet tjetër që mund të konsiderohet i dobishëm apo i nevojshëm për përmbushjen e objektit të Shoqërisë.

Shoqëria do të kryejë çdo aktivitet që përfshihet në objektin e saj të aktivitetit dhe/ose që lidhet me objektin e saj.

Shoqëria do të respektojë të gjitha ligjet dhe rregulloret përkatëse dhe standardet më të mira etike, në fuqi në Republikën e Shqipërisë.

### **III. STATUTI**

Ortaku i Vetëm deklaron se Statuti i Shoqërisë është nënshkruar në mënyrë të rregullt nga Ortaku i Vetëm i Shoqërisë në të njëjtën kohë me nënshkrimin e këtij Akti Themelimi.

Statuti i Shoqërisë është dokumenti thelbësor, i cili së bashku me çdo marrëveshje tjetër që mund të firmoset në të ardhmen nga Ortaku i Vetëm përcakton: emrin, formën ligjore, kohëzgjatjen, objektin e aktivitetit, kapitalin, administratorin, të drejtat, detyrimet dhe kufizimet e tij, administrimin financiar dhe kontabël të Shoqërisë, ortakun(ët) e Shoqërisë dhe marrëdhënien mes tyre (nëse aplikohet) dhe kompetencat e Asamblesë së Përgjithshme.

### **IV. KAPITALI**

Kapitali i regjistruar i Shoqërisë është 100 (njëqind) Lek, i përbërë në 1 (një) kuotë e vetme që zotërohet nga Ortaku i Vetëm.

Çështje të tilla si zmadhimi dhe zvogëlimi i kapitalit të Shoqërisë, si dhe administrimi financiar dhe kontabël i Shoqërisë detajohen në Statutin e Shoqërisë.

### **V. ORGANET E SHOQËRISË**

Organet e Shoqërisë janë:

- (i) Asambleja e Përgjithshme, e cila përbëhet nga Ortaku i Vetëm; dhe
- (ii) Administratori i Shoqërisë.

### **VI. ASAMBLEJA E PERGJITHSHME**

Asambleja e Përgjithshme, e cila përbëhet nga Ortaku i Vetëm, është organi më i lartë vendimmarrës i Shoqërisë e cila merr vendime në lidhje me aktivitetin e saj dhe politikën ekonomike dhe tregtare të saj.

Kompetencat e Asamblesë së Përgjithshme janë të detajuara hollësisht në Statutin e Shoqërisë.



## VII. ADMINISTRATORI

Shoqëria drejtohet nga 1 (një) Administrator, i cili është përfaqësuesi ligjor i Shoqërisë dhe e përfaqëson atë, në marrëdhënie me të tretët dhe është përgjegjës për aktivitetin e zakonshëm tregtar të Shoqërisë me përjashtim të atyre çështjeve që parashikohen në Statut, nga ligji i zbatueshëm apo vendimeve të Ortakut të Vetëm.

Administratori i Shoqërisë është:

- **Z. Ervin Uruçi**, shtetas shqiptar, lindur më 21.09.1982, në Maminas, Shqipëri, mbajtës i letërnjoftimit me numër personal I20921008W, i cili ka të drejtë të përfaqësojë Shoqërinë para të tretëve me nënshkrimin e tij personal (“**Administratori**”).

Administratori emërohet për një afat në detyrë prej 3 (tri) vitesh nga data e regjistrimit të Shoqërisë pranë Qendrës Kombëtare të Biznesit në Shqipëri me të drejtë rizgjedhjeje.

Administratori emërohet nga Asambleja e Përgjithshme e Shoqërisë. Me pranimin e emërimit të tij, Administratori njeh se marrëdhënia e tij me Shoqërinë është një marrëdhënie strikte besimi. Asambleja e Përgjithshme e Shoqërisë ka kompetencë që të shkarkojë Administratorin nga detyra e tij në çdo kohë dhe për çfarëdolloj shkak.

Të gjitha kompetencat, detyrimet, të drejtat dhe kufizimet e Administratorit të Shoqërisë, si dhe mënyra e përzgjedhjes dhe emërimit, janë të detajuara në mënyrë të hollësishme në Statutin e Shoqërisë.

*Ky Akt Themelimi u nënshkrua në 4 (katër) kopje të njëjta dhe origjinale në gjuhën Shqipe.*

### ORTAKU I VETËM I SHOQËRISË

**Z. Ervin Uruçi**

Ervin Uruçi 